


COVID-19: MySejahtera akan dinaik taraf

Oleh Rafidah Mat Ruzki dan Luqman Arif Abdul Karim - Januari 25, 2021 @ 7:08pm
 bhnews@bh.com.my



Aplikasi MySejahtera akan dinaik taraf dengan perincian baharu. - NSTP/ASYRAF HAMZAH

PUTRAJAYA: Aplikasi MySejahtera akan dinaik taraf dengan menampilkan beberapa perincian baharu untuk membantu mengekang penularan COVID-19.

Ketua Pengarah Kanan Sektor Pengurusan Bencana, Wabak, Krisis dan Kecemasan Kementerian Kesihatan, Dr A Maheshwaran Roa, berkata aplikasi MySejahtera yang dimuat turun oleh 27,313,193 pengguna termasuk tanggungan ketika ini ialah versi 1.25.

Susulan perkembangan semasa dan program imunisasi yang bakal dijalankan, beliau berkata aplikasi berkenaan bakal diberi 'nafas baharu' menerusi versi 1.26.

"Kita akan buat kemas kini dan ia akan dipaparkan menerusi versi baharu, iaitu 1.26 selari langkah memantapkan aplikasi MySejahtera," katanya pada sesi taklimat bersama media secara dalam talian, hari ini.

Dr Mahesh berkata, MySejahtera Vaccination akan dilancarkan akhir bulan ini bagi memastikan proses pelaluan kalangan penerima berupaya dikendalikan secara lancar.

Katanya, rangkaian proses seperti pendaftaran, jadual suntikan vaksin dan pemantauan akan dilaksanakan menerusi aplikasi berkenaan.

TERKINI	PILIHAN PEMBACA
32m	PM Itali letak jawatan, tubuh kerajaan baharu
36m	PdPR: Beri peluang kepada guru dan tingkatkan latihan perguruan
44m	Florida tawar diri anjur Olimpik
47m	Vaksin COVID-19 berkesan tangani varian UK, Afrika Selatan - Moderna
49m	COVID-19: Penggunaan katil pesakit di Hospital Lahad Datu capai 91.4 peratus
59m	Perbezaan vaksin negara kaya dan miskin semakin teruk - WHO
1h	Usah politikkan Proklamasi Darurat - Ismail Sabri

"Kita sarankan siapa yang belum muat turun aplikasi MySejahtera untuk berbuat demikian supaya apabila tiba pelaksanaan program pemvaksinan, ia dapat dijalankan dengan lancar.

"Selain itu, kita dapat kendalikan proses pengesanan kontak dan penilaian sendiri dalam kalangan pesakit COVID-19, sekali gus memastikan tahap kesihatan mereka sentiasa terjamin.

"Bagi mereka yang positif, setiap maklum balas daripada laporan sendiri ini akan dikemukakan kepada Pejabat Kesihatan Daerah (PKD) dan Pusat Penilaian COVID-19 (CAC) bagi pemantauan harian.

"Setiap hari pada jam 9 pagi, mereka perlu menjawab soalan penting," katanya.

Fakta nombor MySejahtera:

- 1,514,453 premis perniagaan berdaftar
- 15 juta rekod daftar masuk secara purata
- 21 hingga 22 juta rekod daftar masuk jika bukan PKP



TRENDING



EROPAH 2 jam yang lepas
Rusuhan malam kedua di Belanda berhubung perintah berkurung



NASIONAL 10 jam yang lepas
4 sekawan dihukum buat kerja sosial dua bulan



NASIONAL Jan 25, 2021 @ 9:11pm
PKP hingga 4 Februari, tidak akan disambung



NASIONAL Jan 25, 2021 @ 7:32pm